

tur, vel singulatim editæ in Bibliothecis latent, luce omnino dignissimæ. THEODORVS EBERTVS *Elogia Iureconsultorum & Politicorum centum illustrium, qui Orientales linguas promouerunt*, collegit, edita 1628. 8. quæ tamen leuioris sunt momenti.

CAPVT SECVNDVM.

De

FONTIBVS IVRIS GENTIVM ANTIQVISSIMARVM.

§. I.

Scriptores qui faciunt ad Ius Hebræorum.

PRimum merito locum Bibliothecæ Iuris occupant FONTES Iurium, vt exinde melius cognoscantur vel riuuli ex iisdem deducti, vel qui in perpurgandis iisdem propagandisque fuerunt occupati. Neque tamen hic Romani solum Iuris Fontes indicandi, sed aliarum etiam Gentium antiquissimarum, earum cum primis a quibus Romani sua hauserunt. Primum sine dubio est *Ius Hebræorum*, quod MOSIS libris continetur. In quo summa diuini Legislatoris relucet sapientia. Ex hoc autem plura in Leges Romanas fuisse translata docent ex veteribus Auctor *Collationis Legum Mosaicarum & Romanarum* quam PETRVS PITHOEVS aditis Notis multiplici eruditione refertis edidit *Lutetiæ Parisiorum* 1572. & 1573. 4. *ibid.* 1580. *Geneuæ* 1586. 8. *Parisiis* 1609. 4. inter *Opera Pitboei Sacra, Iuridica, Historica, Miscellanea*, *Heidelbergæ* 1656. 8. & auctior nitidiorque adie-